



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 76. Congregatio Ferrariæ habita coram ipso Pontifice.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

etumque Concilium auctoritate sua con- Sæcul. XV.
tinuari voluit (*). A.C.1438.

§. LXXVI.

*Congregatio Ferrariæ habita coram
ipso Pontifice.*

Exinde cum Papa Eugenius die vigesima septima Januarii Ferrariam delatus esset, die octava Februarii habita est Congregatio, cui ipsemet Pontifex præfuit, assistentibus cunctis Cardinalibus, Episcopis, atque Doctoribus, in qua prolatis contra Basileenses querelis declaravit, se quidem innocentia sua sat tutum esse, nihilominus si vel ipse, vel sui cuiusdam criminis rei invenirentur, submittere se libenti animo Patrum correctioni; ceterum hortari se omnes, ut & ipsi sese prudentiæ laude ac morum probitate ad ceterorum exemplum commendabiles redderent. Die vero decima Februarii in alia Congregatione Generali coram Jordano Ursino Cardinale, quem Eugenius

(*) Addit Spondanus ad hunc annum num. II. præcipuum sane illius Synodi columnen, absque cujus auctoritate post abcessum omnium Cardinalium ac præcipuorum Antistitum, reliqua remanentium colluvies dissipata ac sponte dilapsa evanisset.

Sæcul. XV.
A.C. 1438. nius, utpote ceteris Cardinalibus anti-
quiorem, Præsidem Concilii nominavit
quædam statuta fuere condita de modo
quem Cardinales, Episcopi, & Regum
ac Principum Oratores, necnon Curia
Romanæ Ministri observarent.

§. LXXVII.

Ordo sedendi stabilitus.

Sequens igitur erat ordo præscriptus:
Cardinales, Patriarchæ, Archiepiscopi,
& Episcopi sedeant secundum digni-
tatum suarum jura, ac ordinationum
tempora, quatuor Patriarchalibus sedi-
bus tantummodo exceptis, quæ juxta ju-
ris dispositionem suam quæque locum
occuparent. Abbates generales, qui alios
sibi subjectos haberent, mox primum
ab Episcopis, Electisque confirmatis ob-
tineant juxta tempus, quo inaugurati
fuerant. Prælati majores, qui simul Re-
gum ac Principum Oratores essent, in e-
dem gradu & ordine sedendi præce-
dant ceteros Prælatos Oratorum præro-
gativa destitutos (Patriarchis duntaxat
exceptis); Oratores autem non Prælati
ac Laici cujuscunque Ordinis in nave in-
ferioris Ecclesiæ a dextris & a sinistris
collocentur. Ceteri omnes Officiales Cur-
riæ, Generales Ordinum, Episcoporum
absen-